

# МОЛИТВЫ ЗА ДЕТЕЙ

Ко Господу.....3

К Божией Матери.....12

К ангелу-хранителю.....14

О детях, которым трудно дается учение.....14

За некрещеных младенцев.....15

Для беременных женщин.....16

О даровании детей.....18

Акафист Пресвятой Владычице нашей Богородице  
явления ради чудотворной иконы Ее  
Феодоровской.....20

«ОРЛЕЦ»

---

МОСКВА 1996



## Молитвы ко Господу

**С**ладчайший Иисусе, Боже сердца моего! Ты даровал мне детей по плоти, они Твои по душе; и мою и их души искупил Ты Своею неоцененною кровию; ради крови Твоея Божественныя умоляю Тебя, Сладчайший мой Спаситель: благодатию Твоею прикоснись сердца детей моих (*имена*) и крестников моих (*имена*), огради их страхом Твоим Божественным, удержи их от дурных наклонностей и привычек, направь их на светлый путь жизни, истины и добра, украси жизнь их всем добрым и спасительным, устрой судьбу их якоже Ты Сам хощеши и спаси души их имиже веси судьбами.

Господи Боже отцѣв наших! Детям моим (*имена*) и крестникам моим (*имена*) дай сердце правое, чтобы соблюдать заповеди Твои, откровения Твои и уставы Твои и исполнять все это.

**Б**оже! Создателю всех тварей, прилагая милость к милости, Ты соделал меня достойной быть матерью семейства; благость Твоя даровала мне детей, и я дерзаю сказать: они Твои дети! Потому что Ты даровал им бытиё, оживотворил их душой бессмертной, возродил их крещением для жизни, сообразной с Твоей волей, усыновил их и принял в недра Церкви Своей. Господи! Сохрани их в благодатном состоянии до конца жизни; сподоби их быть причастниками таинств Твоего Завета; освящай Твоей истиной;

да святится в них и через них святое имя Твое! Ниспосли мне Твою благодатную помощь в их воспитании для славы имени Твоего и пользы ближнего! Подáждь мне для сей цели способы, терпение и силы! Научи меня насадить в их сердце корень истинной мудрости — страх Твой! Озари их светом управляющей вселенной Твоей Премудрости! Да возлюбят Тебя всей душой и всем помышлением своим, да прилепятся к Тебе всем сердцем и во всю жизнь свою да трепещут слов Твоих! Даруй мне разум убедить их, что истинная жизнь состоит в соблюдении заповедей Твоих; что труд, укрепляемый благочестием, доставляет в сей жизни безмятежное довольствие и в вечности — неизреченное блаженство. Открой им разумение

Твоего закона! Да до конца дней своих действуют в чувстве вездеприсутствия Твоего! Насади в их сердце ужас и отвращение от всякого беззакония, да будут непорочными в путях своих, да помнят всегда, что Ты Всеблагий Боже, ревнитель закона и правды Твоей! Соблюди их в целомудрии и благоговении к имени Твоему! Да не порочат Церкви Твоей своим поведением, но да живут по ее предписаниям! Одушеви их охотою к полезному учению и содейлай способными на всякое доброе дело! Да приобретут истинное понятие о тех предметах, коих сведения необходимы в их состоянии; да просветятся познаниями, благодетельными для человечества. Господи! Умудри меня напечатлеть неизгладимыми чертами в уме и сердце детей моих опасе-

ние содружеств с не знающими  
страха Твоего, внушить им все-  
мерное удаление от всякого союза  
с незаконными. Да не внимают  
они гнилым беседам, да не слу-  
шают людей легкомысленных, да  
не совратят их с пути Твоего дур-  
ные примеры, да не соблазняются  
они тем, что иногда путь безза-  
конных благоуспешен в сем мире!

Отче Небесный! Дáруй мне бла-  
годать всемерно беречься пода-  
вать детям моим соблазн моими  
поступками, но, постоянно имея  
в виду их поведение, отвлекать  
их от заблуждений, исправлять  
их погрешности, обуздывать  
упорство и строптивость их, воз-  
держивать от стремления к суете  
и легкомыслию; да не увлекают-  
ся они безумными помыслами, да  
не ходят вслед сердца своего, да  
не возгордятся в помышлении

своем, да не забудут Тебя и закона Твоего. Да не погубит беззаконие ума и здоровья их, да не расслабят грехи душевных и телесных сил их. Судия Праведный, наказывающий детей за грехи родителей до третьего и четвертого рода, отврати такую кару от детей моих, не наказывай их за грехи мои, но окропи их росой благодати Твоей, да преуспевают в добродетели и святости, да возрастают в благоволении Твоем и в любви людей благочестивых.

Отче щедрот и всякого милосердия! По чувству родительскому я желала бы детям своим всякого обилия благ земных, желала бы им благословения от росы небесной и от тука земного, но да будет с ними святая воля Твоя! Устрой судьбу их по Твоему благоволению, не лиши их в жизни

насущенного хлеба, ниспосылай им все необходимое во времени для приобретения блаженной вечности; будь милостив к ним, когда согрешат перед Тобою; не вменяй им грехов юности и неведения их, приведи в сокрушение их сердца, когда будут противиться руководству благодати Твоей; карай их и милуй, направляя на путь, благоугодный Тебе, но не отвергай их от лица Твоего! Принимай с благоволением молитвы их, даруй им успех во всяком добром деле, не отврати лица Твоего от них во дни скорби их, да не постигнут их искушения выше сил их. Осеняй их Твоей милостью, да ходит ангел Твой с ними и сохранит их от всякого несчастия и злого пути, Всеблагий Боже! Соделай меня матерью, веселящейся о детях своих, да бу-

дут они отрадой моей в дни жизни моей и опорой мне в старости моей. Удостой меня, с упованием на Твое милосердие, предстать с ними на Страшном суде Твоем и с недостойным дерзновением сказать: «Вот я и дети мои, которых Ты дал мне, Господи!» Да совокупно с ними прославляя неизреченную благодать и вечную любовь Твою, превозношу пресвятое имя Твое, Отче, Сыне и Дúше Святы́й. Во веки веков. Аминь\*.

**Г**осподи Иисусе Христе, Сыне Божий, молитв ради Пречистыя Твоея Матери услыши мя, недостойную рабу (*имя*). Господи, в милостивой власти Твоей

---

\* Эта молитва раздавалась в Казанской Амвросиевской женской пустыни при с. Шамордино.

чада мои, рабы Твои (имена). Помилуй и спаси их, имени Твоего ради. Господи, прости им все согрешения вольные и невольные, совершенные ими пред Тобою. Господи, настави их на истинный путь Твоих заповедей и разум просвети светом Христовым во спасение души и исцеление тела. Господи, благослови их в доме, в школе, в пути и на каждом месте Твоего владычества. Господи, сохрани их под кровом Твоим святым от летящей пули, яда, огня, от смертоносной язвы и напрасной смерти. Господи, оградí их от всяких видимых и невидимых врагов, от всякой болезни, очисти от всякой скверны и облегчи их душевные страдания. Господи, даруй им благодать Духа Твоего Святаго на многие лета жизни, здравие, целомудрие.

Господи, умножь и укрепи им умственные способности и телесные силы, Тобою дарованные им, Твое благословение на благочестивую и; если Тебе угодно, семейную жизнь и непостыдное деторождение. Господи, даруй мне, недостойной и грешной рабе Твоей (*имя*), родительское благословение на чад моих и раб Твоих в настоящее время утра, дня, ночи имени Твоего ради, ибо Царствие Твое вечно, всесильно и всемогущественно. Аминь.

### Молитвы к Божией Матери

**О** Пресвятая Владычице Дево Богородице, спаси и сохрани под кровом Твоим моих чад (*имена*), всех отроков, отроковиц и младенцев, крещеных и безымянных и во чреве матери

носимых. Укрой их ризою Твоего материнства, соблюди их в страхе Божием и в послушании родителям, умоли Господа моего и Сына Твоего, да дарует им полезное ко спасению их. Вручаю их Материнскому смотрению Твоему, яко Ты еси Божественный Покров рабам Твоим.

**М**атерь Божия, введи меня во образ Твоего небесного материнства. Уврачуй душевные и телесные раны чад моих (*имена*), моими грехами нанесенные. Вручаю дитя мое всецело Господу моему Иисусу Христу и Твоему, Пречистая, небесному покровительству. Аминь\*.

---

\* Из женского монастыря в Шуе, Ивановской области.

## Молитва к ангелу-хранителю

**С**вяты́й а́нгеле-храни́телю мо-  
их ча́д (*имена*), покрýй их  
твоим покровом от стрел демона,  
от глаз обольстителя и сохрани  
их сердце в ангельской чистоте.  
Аминь.

## Молитва о детях, которым трудно дается учение

**Г**осподи Иисусе Христе, Боже  
наш, воистинну вселѣвыйся  
в сердца двенадцати апостолов и  
силою благодати Всесвята́го Ду-  
ха, сошедшаго в виде огненных  
язы́ков, и уста их открывший,  
так что они начали говорить на  
иных наречиях! Сам Господи  
Иисусе Христе, Боже наш, нис-  
послѣ того Духа Твоего Свята́го

на отрока сего (*имя*) и насади в сердце его Святое Писание, которое рука Твоя пречистая начертила на скрижалях законодателю Моисею, ныне и присно и во веки веков. Аминь.

### Молитва за некрещеных младенцев

**П**омяни, Господи Человеколюбче, души отшедших раб Твоих младенцев, кои во утробе православных матерей умерли нечаянно от неведомых действий, или от трудного рождения, или от некоей неосторожности и потому не приняли таинства святого крещения. Окрести их, Господи, в море щедрот Твоих и спаси неизреченною Твоею благодатию. Аминь.

## Молитва для беременных женщин

**О** Преславная Матерь Божия, помилуй меня, рабу Твою, и прииди ко мне на помощь во время моих болезней и опасностей, с которыми рожают чад все бедные дочери Евы. Вспомни, о Благословенная в женах, с какою радостью и любовью Ты шла поспешно в горную страну посетить сродницу Твою Елисавету во время ее беременности и какое чудесное действие произвело благодарное посещение Твое и в матери, и в младенце. И по неисчерпаемому благосердию Твоему даруй и мне, униженнейшей рабе Твоей, разрешиться от бремени благополучно; даруй мне сию благодать, чтобы дитя, покоящееся теперь под моим сердцем, пришедши в чувство, с радост-

ным взыграніем, подобно святому младенцу Иоанну, поклонялось Божественному Господу Спасителю, Который из любви к нам, грешным, не возгнушался и Сам стать Младенцем. Неизглаголанная радость, которою преисполнилось девственное Твое сердце при воззрѣніи на новорожденного Твоего Сына и Господа, да усладит скорбь, предстоящую мне среди болезней рождения. Жизнь моя, мой Спаситель, рожденный Тобою, да спасет меня от смерти, пресекающей жизнь многих матерей в час разрешенія, и да причтетъ плод чрева моего к числу избранных Божіих. Услышь, Пресвятая Царица Небесная, смиренную мольбу мою и призри на меня, бедную грешницу, оком Твоея благодати; не постыди моего упованія на Твое ве-

ликое милосердие и осени меня, Помощница христиан, Исцелительница болезней, да сподоблюсь и я испытать на себе, что Ты — Матерь милосердия, и да прославлю всегда Твою благодать, не отвергшую никогда молитвы бедных и избавляющую всех призывающих Тебя во время скорби и болезни. Аминь.

### Молитва супругов о даровании детей

**У**слышь нас, Милосердный и Всемогущий Боже, да молением нашим ниспослана будет благодать Твоя. Будь милостив, Господи, к молитве нашей, вспомни закон Твой об умножении рода человеческого и будь милостивым Покровителем, да Твоею помощью сохранится То-

бою же установленное. Ты властною силою Твоею из ничего все сотворил и положил начало всего в мире существующего — сотворил и человека по образу Своему и высокою тайною освятил союз супружества в предуказание тайны единения Христа с Церковью. Призри, Милосердный, на рабов Твоих сих, союзом супружеским соединенных и умоляющих о Твоей помощи, да будет на них милость Твоя, да будут плодовиты и да увидят они сыны сынов своих до третьего и четвертого рода и до желаемой старости доживут и войдут в Царство Небесное через Господа нашего Иисуса Христа, Которому всякая слава, честь и поклонение подобает со Святым Духом во веки. Аминь.

## АКАФИСТ

Пресвятой Владычице нашей

Богородице

явления ради чудотворной иконы Ее

Феодоровской\*

### Кондак 1

**В**збранней Воеводе, Пренепорочней Деве Богородице, Заступнице нашей и Предстательству христиан непостыдному, явлением чудных иконы Своея радование подавшей земли Российской и вся верныя чада Церкви просветившей, благодарение

---

\* Старец Амвросий Оптинский благословлял прибегать к иконе Феодоровской Божией Матери как Помощнице в родах.

«Есть православное предание, — писал старец, — что в этих случаях прибегают к Божией Матери по названию иконы Феодоровской. Вымените или напишите себе эту икону, празднование которой бывает дважды в год: 14 марта и 16 августа. Если пожелаете, то можете накануне этих

усердно приносим Ти, Богородице, и припадающе пречудному образу Твоему умильно глаголем: спаси, Господи, и помилуй рабы Твоя зовущия: Радуйся, Матерь Божия, Предстательнице и Заступнице наша усердная.

### *Икос 1*

Архангел Гавриил от Бога послан бысть во град Назарет ко Пречистой Деве Марии, и вшед к

---

дней вечером совершать домашнее бдение, а в самый день — молебствие с акафистом Божией Матери. По усердию можете совершать это и в другое время, как пожелается. Можете ежедневно и сами молиться Царице Небесной, читая Ей не менее двенадцати раз в день «Богородице Дево, радуйся», хоть с поясными поклонами. Столько же раз читать и кондак Ей: «Не имамы инья помощи, не имамы инья надежды, разве Тебе, Владычице. Ты нам помози, на Тебе надеемся и Тобою хвалимся: Твои бо есмь рабы: да не постыдимся».

Ней речѣ: Рáдуйся, Благодáтная, Господь с Тобою, благословѣнна Ты в женáх. Архáнгельскому глáсу подражáюще, и мы грѣшнии рáдости и благодарѣния в сѣрдцы своем испóлнени, пред явлѣнным óбразом Твоим благохва-лѣния наша возносíти к Тебе дер-зáем, Пресвятáя Богорóдице: Рá-дуйся, óтрасле от кóрене Давíдо-ва благословѣнная; рáдуйся, обѣ-том родíтелей в жѣртву Богу при-несѣнная. Рáдуйся, святýх прá-ведных Иоакíма и Анны Дщи Богодáнная; рáдуйся, трех лет во храм Божий введенная и тáмо воспитáнная. Рáдуйся, тáмо сми-рѣнием и чистотою всех удивíв-шая; рáдуйся, тáмо архáнгельс-кия бесѣды сподóблышаяся. Рá-дуйся, Дѣво, о зачáтии Бога Слó-ва благовѣстие во смирѣнии при-ímшая; рáдуйся, избáнная Отро-

ковице, к зачатию Бога Слова сі-  
лою свѣше осенѣнная. Рáдуйся,  
тáйну воплощѣния Сына Бóжия,  
от векóв в Бóзе сокровѣнную,  
открывшая; рáдуйся, Агнице,  
рóждшая Агнца Христа, взѣмша-  
го грехи мíра. Рáдуйся, Тобою бо  
избавляемся мук áдовых; рáду-  
йся, Тобою бо сподобляемся вѣч-  
ныя жízни. Рáдуйся, Мати  
Бóжия, Предстáтельница и Зас-  
тúпнице наша усérдная.

### *Кондак 2*

Видя икóну Твою, Пресвятáя  
Дѣво, на дрéве стоящу, князь бла-  
гочестíвый костромскій ўжасом  
мнóгим содрогáшеся недоумѣя,  
что бысть видѣние сие. Хотяще  
же ему прійти ю и от сего свѣше  
удѣржану ему бýвшу, не можá-  
ше: увѣдев, я́ко чúдно есть икóны  
тоя явлѣние, воззвá к Богу: Алли-  
лúиа.

## Икос 2

Разумом желая разумети князь  
благочестивый пришествие пре-  
чуднаго Твоего образа во град Ко-  
строму, Богородице, душею радо-  
вания преисполненною себе пре-  
даде водительство Божию, и пре-  
клонь колена, со страхом вопия-  
ше Тебе: Радуйся, Дѣво, являшая  
образ Свой чудно; радуйся, Бла-  
гословенная, в явлении образа  
Своего милосердие нам являю-  
щая. Радуйся, о всех чтущих Сы-  
на Твоего промысляющая; ра-  
дуйся, всем просящим у Тебе да-  
ры, в мѣру вѣры, ко спасенію по-  
дающая. Радуйся, путь истины  
заблудшим показующая; радуй-  
ся, к горнему міру чудесы Твои-  
ми ум наш возводящая. Радуйся,  
смущенія помышлений сум-  
нительных удаляющая; радуйся,  
славящих Тя всегда прославляю-

щая. Рáдуйся, чистото́ю Твоею  
чистотé нас науча́ющая; рáдуйся,  
чистото́ю Твоею нечистоту́ нашу  
облича́ющая. Рáдуйся, молéния  
наша приéмлющая; рáдуйся, ры-  
да́ний и слез неотмета́ющая. Ра́-  
дуйся, Ма́ти Бо́жия, Предста-  
тельница и Засту́пнице наша  
усёрдная.

### *Кондак 3*

Си́лу Бо́жию благочестíвый  
князь позна́в в восхожде́нии о́б-  
раза чу́днаго Твоего, Богома́ти, в  
явлéнии же ви́дев милосéрдие  
Твое ко всем спасéние хотя́щим  
получи́ти, рече́: Аллилу́иа.

### *Икос 3*

Име́в по́мысл стяжа́ти да́руемое  
небе́сное сокровище, лик Твой  
свётлый, Богома́ти, второ́е про-  
стре́ держа́вный ру́ку к о́бразу  
нисше́дшему: узрэв же па́ки его

восхождѣние, скоро поѣде во град  
и повѣда о бѣвшихъ ему освящен-  
ному собору, да пришедше и ви-  
дяще иконы Твоея явлѣние возо-  
пиютъ с нимъ вѣрнии: Радуйся, Ца-  
рице Небесѣ и земли; радуйся,  
престолѣ Царя царствующихъ. Ра-  
дуйся, Пренепорочная Дѣво; ра-  
дуйся, Мати Непристѣпнаго Свѣ-  
та. Радуйся, Честнѣйшая Херу-  
вимъ; радуйся, Славнѣйшая без-  
сравненія Серафимъ. Радуйся,  
Небесными Силами величаемая;  
радуйся, отъ всехъ земнородныхъ уб-  
лажаемая. Радуйся, неизречен-  
ное весѣлие Ангеловъ; радуйся,  
вѣнче царственный всехъ пророковъ  
и апостоловъ. Радуйся, Правосла-  
вля Христова Цѣркве огражденіе;  
радуйся, всехъ суемудрыхъ  
ученій и ересей низложеніе.  
Радуйся, Мати Божія, Предста-

тельнице и Застѹпнице наша  
усѣрдная.

#### *Кондак 4*

Бѹрю внутрь имѣя помышлѣ-  
ний недоумѣнных, освященнѣй  
собор со псалмы и пѣсньми духов-  
ными а́бие притечѣ видети образ  
Твой, Неискусобрачная. Узрѣв  
же его на дрѣве дѣвно стояща и  
благолѣпно красотой сияюща,  
речѣ: Аллилу́иа.

#### *Икос 4*

Слышаша лю́дие честны́я ико-  
ны Твоея, Богоотрокови́це, при-  
ше́ствие, и ко о́ной тѣкше покла-  
няхуся, а́ки Самѣй Тебе сѹщей, и  
со уми́лением и слеза́ми вопия́ху  
к Тебе: Ра́дуйся, Дѣво, Благосло-  
венная в жена́х, во чрѣве Твоѣм  
Носителя вся́ческих носившая;  
ра́дуйся, рождѣнием Сына Твоего  
спасѣние ми́ру все́мѹ явля́шая.

Рáдуйся, челове́ки с Богом соеди-  
ни́вшая; рáдуйся, превы́шшая  
небе́с, избáвльшая нас от кля́твы.  
Рáдуйся, нас к вéчной жи́зни ру-  
ководя́щая; рáдуйся, Влады́чице  
ми́ра. Рáдуйся, Бо́жие к сме́рт-  
ным благоволе́ние; рáдуйся,  
сме́ртных к Богу дерзнове́ние. Ра́-  
дуйся, благи́х во бла́гости соблю-  
да́ющая; рáдуйся, лука́вых на  
пу́ть благи́й обраща́ющая. Рáдуй-  
ся, под сень кро́ва Твоего прибе-  
га́ющих ми́лующая; рáдуйся,  
упова́ющим на Тя вся потре́бная  
к животу́ и благоче́стию да́рую-  
щая. Рáдуйся, Ма́ти Бо́жия,  
Предста́тельница и Засту́пнице  
наша усéрдная.

### *Кондак 5.*

Яко боготе́чную звезду́ узре́ша  
лю́дие ико́ну Твою, Безневéстная  
Де́во, и я́ко многосве́тлый све-  
ти́льник поста́виша ю во святе́м

соборнем храме, радуящися и вопиюще Богу: Аллилуиа.

### *Икос 5*

Видевша жителіе града Городца́ образ Твой, Владычице, во храме града Костромы́ стоящій, и на руку́ Твоею держима Богомладенца Иисуса, скорбию одержима бѣша: зане́ отшествіе его бысть из града их. Мы же, обрадовани благоволеніем Твоим ко граду нашему, приносим Ти дары, и с любовью лобызающе Твой святы́й образ вопіем Ти: Радуйся, Звездó, Сóлнце правды нам явльшая; радуйся, возлюбившая сию́ страну́. Радуйся, обрѣтение Тебѣ ищущих; радуйся, радостию неизреченною вѣрныхъ сердца исполняющая. Радуйся, сокровище благодати неистощимое; радуйся, милости приснотекущій истóчнице. Радуйся, от тяжкихъ бед

спасающая; радуйся, от смертоносныя язвы избавляющая. Радуйся, всего міра Ходатаице; радуйся, всех недугов Целительнице. Радуйся, Красото несравненная; радуйся, Добро́то несказанная. Радуйся, Мати́ Божия, Предстательнице и Заступнице наша усердная.

### *Кондак 6*

Проповѣдницы Богоноснии быша видевши образ Твой, Богородице. Возвращая бо кийждо во страну свою, возвещаше о пришествии его и чудесех от него бываемых, воспевая Богу: Аллилуиа.

### *Икос 6*

Воссиявши благодать от чуднаго образа Твоего, Чистая, веру немощствующих утверди, верных же возвесели сердца любовию. Сего ради радующеся вопиём Ти:

Рáдуйся, Пресвятáя Дéво, свéтом небéсныя йстины нас озаряющáя; рáдуйся, мглу грехóвную от нас отгоняющáя. Рáдуйся, чудесý Твоими к боговéдению нас приводящáя; рáдуйся, всех кáющихся грéшник ко благочéстию подвизáющáя. Рáдуйся, всех притекáющих к Тебе крéпкое заступлéние; рáдуйся, немощствующих умóм утверждéние. Рáдуйся, изнемогающих в вéре возставляющáя; рáдуйся, т́хое пристáнище в мóре житéйством обуреваемым. Рáдуйся, зл́я совéты сынóв поѓбельных открывáющáя; рáдуйся, вознесенную горды́ню врагóв отéчества нáшего смиряющáя. Рáдуйся, правослáвных царéй Держáво; рáдуйся, всех христиáн Похвалó. Рáдуйся, Мáти Бóжия, Предстáтельнице и Застúпнице нáша усérдная.

### Кондак 7

Хотѣ прослѣвити Сынъ Твой, Богородице, святую икону Твою во граде Костромѣ, повелѣ ю в день Успѣния Твоего святому великомученику Феодору Стратилату носѣти по граду сему, да вси видяще чудо сие благодарнымъ сердцемъ возопиютъ Ему: Аллилуиа.

### Икос 7

Чудо новое яви намъ Господь мольбами Твоими, Богородице, егда сгорѣвшу храму, в немъ же бе поставленъ святой образъ Твой, сохрани его в пепле невредима от огня, и тако мнѣвшихъ сгорѣвша его печаль в радость преложѣ. Мы же чудо сие ведяще, воспеваемъ Ти таковая: Радуйся, купино неопалимая; радуйся, огненный столпе, сущия во тьме наставляя. Радуйся животѣ, Духомъ пошлаго, Невместимаго Бога

вместѣвшій; радуйся, кадильнице златая, яко фимиам благоуханный, молитвы Твоя за ны к Богу Сыну присно возносящая. Радуйся, жезле Ааронов к явлению в мире Сына Твоего прозябший; радуйся, руно Гедеоново, благодатию Божиею во спасение наше орошенное. Радуйся, горо несекомая, от неяже отсечеса краеугольный камень Христос; радуйся, храме одушевленный, в немже вселися Божество телесне. Радуйся, девства охранение; радуйся, супружества благословение. Радуйся, паче всех Господа возлюбившая; радуйся, паче всех от Него превознесенная. Радуйся, Мати Божия, Предстательнице и Заступнице наша усердная.

### *Кондак 8*

Странное чудо видевше, на воздусе икону Богоматери стоящу,

аки рука́ми а́нгельскими держи́-  
му, егда́ второ́е сгоре́ храм, в не́м-  
же сто́я явле́нная сия́ ико́на, от-  
ве́ржемся, лю́дие, ми́ра сего́, ум  
на небеса́ прело́жше: сего́ бо ра́-  
ди и даде́ся нам чу́дная ико́на Бо-  
гору́дицы, да взира́юще на ню  
го́рняя му́дрствуем, а не земна́я,  
вопи́юще к Богу: Аллилу́иа.

### *Икос 8*

В вы́шних пребыва́ющи селени́-  
их, и ни́жних не разлучи́лася  
еси́, Богору́дице, чудесы́ Твои́ми  
всех просвеща́ющи приходя́щих  
к Тебе ве́рою: сего́ ра́ди и слы́ши-  
ши от нас сия́: Ра́дуйся, Ма́ти  
Христа́ Бога нашего, на Небеси́  
пребыва́ющая; ра́дуйся, на земли́  
нас не оставля́ющая. Ра́дуйся, ра́-  
ди вели́чества Твоего на Небеси́  
Ангелы́ окру́женная; ра́дуйся,  
ра́ди сла́вы Твоея́ на земли́ от че-  
ловек прославля́емая. Ра́дуйся,

Тебѣ бо слѹжат вся Небѣсныя Сѣ-  
лы; радуйся, Тебѣ бо, по Бѣзе,  
хвалѣние возно́сят Херувѣми и  
Серафѣми. Радуйся, лицѣ Бѣжие  
вѣну на Небесѣ созерца́ющая; ра-  
дуйся, пред престѣлом Сѣна Тво-  
его Матерняя рѹце Твои за ны мо-  
лящися простира́ющая. Радуйся,  
нас, сѹщих на землѣ, от всякаго  
зла омофорѣм Твоим покрыва́ю-  
щая; радуйся, вѣрных от всяких  
душепа́губных дел удаля́ющая.  
Радуйся, рождѣнием Сѣна Бѣжия  
двѣри Царства Христо́ва нам от-  
вѣрзшая; радуйся, наде́ждою  
прѣятія небѣсных благ вѣрных  
дѹши услажда́ющая. Радуйся,  
Мати Бѣжия, Предстательнице и  
Застѹпнице наша усѣрдная.

### *Кондак 9*

Всякое естество́ а́нгельское пре-  
возно́сит Тя, Дѣво, вели́кия ради  
любве́ Твоеѣ к роду христиа́нско-

му: незрѣма бо и неприступна, яко Мати Бога от земли к Небесѣмъ возшедшая, пречѣстѣйшимъ Твоимъ образомъ зримъ и приступну Себѣ являеши всемъ воспевающимъ Сыну Твоему: Аллилуѣа.

### *Икос 9*

Ветѣя многовещанныя, яко рыбы безгласны зрим о Тебѣ, Богородице: недоумѣютъ бо глаголати о славныхъ чудесѣхъ, отъ явленныхъ Твоей иконы бываемыхъ. Мы же онымъ дивящеся благодарно вопиѣмъ Ти: Радуйся, слепыхъ прозрѣние; радуйся, хромыхъ хождение. Радуйся, отъ темныхъ и лукавыхъ духовъ исцеляющая; радуйся, лучами отъ Твоего пречѣстаго образа изшедшими враговъ земли нашей отгнавшая. Радуйся, больныхъ видение Твое даровавшая; радуйся, молящимся явленной иконѣ Твоей исцеление подаю-

щая. Рáдуйся, разсла́бленнаго от  
одрá болéзни воздвигáющая; рá-  
дуйся, немýм разрешáющая устá.  
Рáдуйся, от плéна врáжия возвра-  
щáющая; рáдуйся, лýтыя плóти  
стра́сти утоля́ющая. Рáдуйся,  
дúши вёрных неизречénным ми-  
лосéрдием Твоим умиля́ющая;  
рáдуйся, неизглагóланным Твоим  
человеколю́бием уныва́ющих  
ободря́ющая. Рáдуйся, Мáти Бó-  
жия, Предстáтельница и Застúп-  
нице наша усéрдная.

### *Кондак 10*

Соблюсти́ хотя́щи в чистотé до-  
мостроительство Цérкве Право-  
сла́вныя, Чíстая, и, утверди́ти  
ски́петр держа́вы Россíйския,  
чúдною ико́ною Твоею вложи́ла  
еси́ в сéрдце благовёрнаго госуда́-  
ря Михай́ла Феóдоровича прияти  
венéц ца́рский земли́ Россíй-  
ския, да вси ви́дящии ви́дят, я́ко

Вы́шний владе́ет ца́рством, и  
ему́же хо́щет да́ет е, и возо́пию́т  
Ему́: Аллилу́иа.

### *Икос 10*

Стена́ еси́ необоро́мая, Богоро́-  
дице Де́во, всем к Тебе прибега́-  
ющим: никто́же бо притека́яй  
к Тебе тощ отхо́дит. Сего́ ра́ди  
ущедра́еми мило́стию Твое́ю, во  
умиле́нии душі́ возглаша́ем Тебе:  
Ра́дуйся, тве́рдая стено́, от враг  
ви́димых и неви́димых охраня́ю-  
щая; ра́дуйся, кре́пкая защи́то  
упова́ние на Тя возложи́вшим.  
Ра́дуйся, позна́ния и́стины чи́стое  
зерца́ло; ра́дуйся, сохра́нения ве́-  
ры кре́пкое забра́ло. Ра́дуйся,  
гра́ды и страны́ христиа́нския  
предста́тельством Твоим от вра-  
гов спаса́ющая; ра́дуйся, ца́рем  
благове́рным побора́ющая. Ра́-  
дуйся, мир во гра́дех селя́щая;  
ра́дуйся, благона́вным благопос-

пеша́ющая. Ра́дуйся, силою мо-  
литв Твоих злы́я по́мыслы в нич-  
то́же обраща́ющая; ра́дуйся, си-  
лы врагов б́лижняго сокруша́ю-  
щая. Ра́дуйся, ю́ности наставле́-  
ние; ра́дуйся ста́рости поддер-  
жа́ние. Ра́дуйся, Ма́ти Божия,  
Предста́тельница и Засту́пнице  
наша усердная.

### *Кондак 11*

Пё́ние всякое побежда́ется  
спростре́тися тща́щееся мно́же-  
ству мно́гих щедро́т Твои́х: рав-  
ночи́сленныя бо песку́ морско́му  
пе́сни а́ще прино́сим Ти, Богоро́-  
дице Де́во, ничто́же соверша́ем  
достóйно, я́же дарова́ла еси нам  
вопи́ющим к Богу: Аллилу́иа.

### *Икос 11*

Светоприёмную свещу́, дре́вле  
я́вляшуюся, зрим во святей ико́-  
не Твоей, Богоро́дице Де́во, егда́

град наш защитѣла еси от разорѣ-  
нія враговъ земли нашея лучами  
от святыя Твоея иконы исходя-  
щими. Сего ради с вѣрою припа-  
дающе к ней и с любовью лобы-  
заяюще ю, вопиѣм Ти: Радуйся,  
Мати Превѣчнаго Света Христа,  
учѣнием Его дѹши просвѣщаю-  
щая; радуйся, благодатию Бѣ-  
жиею невѣрующих к вѣре в Бога  
приводящая. Радуйся, путеше-  
ствующим спутешествующая; ра-  
дуйся, нѹжно плавающих Корм-  
чая. Радуйся, от всякия скорби,  
гнѣва и нѹжды спасающая; ра-  
дуйся, от глада, губительства,  
трѹса и огня сохраняющая. Ра-  
дуйся, избавляющая от инопле-  
менных; радуйся, охраняющая от  
междоусобныя брани. Радуйся, в  
святѣй иконѣ Твоей яко солнце в  
костромскихъ предѣлахъ возсияв-  
шая; радуйся, zde отрасль цар-

ственную возвеличившая. Рáдуйся, Тобою бо утверждаются цáрства; рáдуйся, Тобою бо венчаются цáрие. Рáдуйся, Мáти Божия, Предстáтельница и Застúпнице наша усérдная.

### *Кондак 12*

Благода́ть прия́вшая от Бога Сына Твоего, Де́во Богоро́дице, и ту дрéвле излия́вшая на всех прибега́ющих к образу Твоему, не лиши́ ныне и нас богáтыя Твоея́ мило́сти, да́руй нам покая́ние о гресéх, да чи́стым се́рдцем и устны́и взыва́ем, к возлю́бленному Сыну Твоему и Богу нашему: Аллилу́иа.

### *Икос 12*

Пою́ще Твоя́ милости и чудеса, хвалим Тя вси, Богородице, и яко дрéвлей Израиль к киво́ту Завета притекаем ко образу лица Тво-

его, и из глубины души вопиём:  
воздвигни рúце Твои к Сыну  
Твоему, да подаст нам вся благая  
и спасительная с вѣрою и любó-  
вию вопиющим Ти: Рáдуйся, уте-  
шѣние наше в скорбех; рáдуйся,  
утоление печáлей наших. Рáдуй-  
ся, радости наша безконѣчная; рá-  
дуйся, свѣтлосте и отрадо сер-  
дечная. Рáдуйся, надежда наша  
крѣпкая; рáдуйся, сýрым Прияте-  
лище. Рáдуйся, стрáнным прибѣ-  
жище; рáдуйся, обидимым По-  
кровительнице. Рáдуйся, оклеве-  
таемых оправдание; рáдуйся,  
благих защищение. Рáдуйся, те-  
ла моего врачевание; рáдуйся, ду-  
ши моея спасение. Рáдуйся, Мá-  
ти Бóжия, Предстáтельница и За-  
стúпнице наша усérдная.

### *Кондак 13*

О Премилосérдая Застúпнице  
наша, велíкия рáди мýлости

Твоея дарова́вшая отѣчеству и гра́ду нашему чудотво́рную икону Твою во освяще́ние, утеше́ние и огражде́ние наше, ны́нешнее прие́мли славосло́вие, от всякаго зла́го обстоя́ния. изба́ви рабы́ Твоя́ и всех нас вѣчных мук свободѣ́, устна́ми, душе́ю же и се́рдцем вопи́ющих: Аллилу́иа.

*(Этот кондак читается трижды, затем икос 1 и кондак 1)*

### *Молитва первая*

О Пресвятая Влады́чице Богоро́дице и Присноде́во Мари́е, еди́ная наде́ждо нам грѣшным, к Тебе прибега́ем и Тебе мо́лим, я́ко ве́лие има́ши дерзнове́ние пред ро́ждшимся от Тебе́ по плóти Го́сподом Богом и Спаси́телем нашим Иисусом Христом. Не прѣзри слез наших, не возгнуша́йся воздыха́ний наших, не отри́ни ско́рби на́шея, не посра́ми упова́ния наше-

го на Тя, но Матерними молениями Твоими умоли Господа Бога, да сподобит нас грешных и недостойных свободитися от грехов и страстей душевных и телесных, умерети миру и жити Ему Единому по вся дни живота нашего.

О Пресвятая Владычице Богородице, путешествующим спутешествуй и ограждай и охраняй оныя, избави плененных от пленения, свободи страждущих от бед, утеша сущих в печали, скорбех и напастех, облегчи нищету и всяко злострадание телесное, и даруй всем вся потребная к животу, благочестию и жизни временней. Спаси, Владычице, вся страны и грады и сию страну и сей град, имже сия чудотворная и святая икона Твоя дадеся во утешение и ограждение, избави я от глада, губительства, труса,

потѣпа, огня, меча, нашествія  
иноплемѣнныхъ, междоусѣбныя  
брани, и отврати всякій гневъ на  
ны праведно двѣжимый. Даруй  
намъ время на покаяніе и обра-  
щеніе, избави насъ отъ внезапныя  
смерти, и во время исхода наше-  
го предстани намъ явльшися, Дѣ-  
во Богородице, и избави насъ отъ  
воздушныхъ мытарствъ, князей вѣ-  
ка сего, сподоби на Страшномъ су-  
дѣи Христовомъ стати одесную и  
содѣлай насъ наследники вѣчныхъ  
благъ, да славимъ во вѣки велико-  
лѣпое имя Сына Твоего и Бога на-  
шего со Безначальнымъ Его Отцемъ  
и Святымъ Благимъ и Животворя-  
щимъ Его Духомъ, нынѣ и присно,  
и во вѣки вѣковъ. Аминь.

### *Молитва вторая*

О, Премилосердая Госпожѣ,  
Царице Богородице, прими сми-  
ренное молѣніе наше, и не отри-

ни нас, заступлѣние и прибѣжище наше, и не возгнушайся нас недостойных, но яко милосердая, не престани молящи Егѡже родила еси, да дарует нам прощение многих согрешѣний наших, да спасет нас ѡмиже вѣсть судьбами.

Помилуй нас, Владычице, помилуй нас, несть бо нам спасение от дел. Темже верно вопиѣм Ти: помилуй рабы Твоя, и неплодное сердце наше покажи плодотворно благих дел. Призри на нас недостойных. Ты бо упование и покров наш, жизнь и свет сердцу нашему яко Невечерний Свет от чрева Твоего воздвигшая, озари душу нашу, Чистая, и отжени всяку мглу сердца нашего. Даруй нам умиление, покаяние и сокрушение сердечное. Сподоби нас во вся дни живота нашего творити волю Сына Твоего и Бога нашего

и во всем благоугожда́ти Ему́ еди́-  
ному. О Богома́ти, не преста́ни  
моля́щи ро́ждающагося от Тебе́ за  
вся притека́ющия с ве́рою к сему  
чудотво́рному о́бразу Тво́ему и  
подава́й им ско́рую по́мощь и уте-  
ше́ние в ско́рбех и напа́stech и  
злострада́ниих, изба́ви их от кле-  
веты́ и зло́бы челове́ческаго, от  
враг ви́димых и неви́димых и  
всякія ну́жды и печа́ли. Спаси́  
оте́чество наше, град сей и вся  
гра́ды и страны́ от всяких бед и  
нужд, и сотвори́ ми́лостива нам  
бы́ти Бога нашего, отврати́ вся-  
кий гнев Его́ на ны дви́жимый и  
изба́ви ны от належа́щаго и пра́-  
веднаго Его́ преще́ния. О, Бого-  
люби́вая Влады́чице, Ангелов ук-  
раше́ние, му́чеников сла́во и всех  
святы́х ра́досте, с ними моли́ Го́с-  
пода, да сподо́бит нас в покая́нии  
сконча́ти живота́ нашего́ течéние.

В смерти же час, Пресвятая Дѣ-  
во, избави нас от власти бесовс-  
ких и осужденія, и отвѣта и  
страшнаго испытанія, и мы-  
тарств горьких и огня вѣчнаго, до-  
сподобльшеся славнаго Царствія  
Божія, величаем Тя и славим  
воплощагося от Тебѣ Христа Бо-  
га нашего, Ему же слава со Отцем  
и Святымъ Духомъ, ныне и присно,  
и во вѣки вѣковъ. Аминь.

